

1. 115

10340253

41

1126

地 343.31

41



上思縣志

卷一

民國四年菊月

上思縣志

朝邑張明善署

原序

蓋聞志者紀也總一郡一邑之事而臚列焉凡疆域之險阻風俗之淳澆戶口之增損則壤之上下與夫人文之盛衰建置之興廢以及純孝至行莫不畢書爲政者不以此數事了然於胸中而能治理者未之前聞也上思風俗狃於土習境壤錯乎交彝號稱難治余以爲勞來匡直施設馴致之道不有前言往行之可鑒乎可因可革事事物物不有圖籍之可徵乎遂詢諸掌故皆曰明季州守陳世瞻草創州志時州城數陷燬於火久矣余喟然曰方今車書一統毋論山陬海澨靡不有志以昭聖世

同文之盛茲雖荒徼巖疆亦詎可以貽文獻不足徵之嘆歟於是訪諸博議之士以屬之事蹟或搜殘於書簾聞故實於耆舊廣撫旁拾經數月而纂輯成書余乃忘其寡陋僭爲編次卷凡四目十有四羣分類聚者井井然而非諸君子焚膏繼晷曷成是書雖然郡邑之有志乘猶國之有史也史尙風勸志貴詳該若夫華而不實則失之浮括而不典則失之野志之爲書豈易言哉然而志不貴文要在綜核事實班班可考俾觀者知疆域險夷之如是也則綢繆守禦設險固圉不待周旋章步而瞭若指掌矣風俗之或淳與澆之如是也則必思漸以仁摩以義懦



者立之悍者化之雍雍和和同歸於厚矣辨別壤之有上下則必思均乃役剔乃弊而偏苦之困甦矣觀夫人文之盛衰則必穆然興懷若何鼓舞若何培養始克振起其頽風也考建置之廢興則必思是木是土皆民資民力也不但無侈前人無廢後觀而已旌孝則閭閻胥勸重行則士庶咸敦由此言之莫非爲政之端布令之章程也志之所係不誠重哉至夫風氣之通塞事物之消長考古証今庶幾亦可推測一二余聞父老言曰州之人民風俗已有大異於曩時者抑不知後之鑑今又復爲何如耳書以俟之

康熙乙丑季春知州戴夢熊序

續修上思縣志序

天下事有創必有因此事理所固然亦今昔之所同然也上思之有縣志不自今始則非出於創而出於因也明甚雖然竊有說焉溯疇昔以迄今日謂爲因也可謂爲創也不可立今日以觀疇昔謂爲因也可謂爲創也亦可然則因乎創乎姑不深辨憶余自一行作吏初宰永康繼宰武鳴蒞任視事庶政之設施猶後縣志之搜採獨先凡一邑之政治人心風俗泊山川險要莫不展卷瞭然故或事關公益前任未舉辦者不妨自我創之或事屬便民前任所興辦者不妨自我因之一創一因初無成

心大旨不離乎爲地方謀利益者近是迨余蒞斯土接洽彼都人士首以搜求縣志爲亟亟僉曰書缺有間久矣余急欲編纂是書遂遍諭士紳宿儒凡私人撰述筆記彙編送閱逾月有宿儒胡君燕賓黃君步青以撰述筆記呈覽其中以胡黃二君自著居多間有筆記前任戴君夢熊之作始恍然上思縣前本有志也計戴君之序縣志於前清康熙間時代遞嬗迄今二百有餘載其間日月所剝蝕兵燹所摧殘不知凡幾尙克留此殘編斷簡以供人鈔胥一若碩果之僅存不可謂胡黃二君抱殘守缺之用心不苦也今雖一鱗一爪未窺全豹尙可拾其緒餘以

藉手編輯若並此碩果僅存者亦盡歸漸滅殘缺失考誠爲憾事甲寅秋設修志局聘胡黃二君任纂輯事年齊商皓稱矍鑠翁老目雖未昏花精神恐過疲瘁添聘黃君觀光周君維綱陳君紹華協助維時又苦無樣本以爲編次順序遂以敝縣靖西縣志爲張本又購南寧府志以資考訂閱三月而編輯事竣倘再加纂修遂成善本適奉調送部試驗未及觀厥成書心殊歉然猶幸編輯竣事全書概要完全無缺後有作者因而成之正不必創而行之志乘有光地方獲益此則余所深幸也夫是爲序

皆

中華民國四年歲次乙卯孟春月署上思縣知事黃大受謹識

續修上思縣志序

國有史乘縣有志書賡續編輯所關蓋非細也上思百餘年來載籍闕如傳聞各異其舊有斷簡殘編亦多散軼陵雜略而弗詳欲求考據翔實殆不可得溯前清嘉道以還中原多故同光而後世變日亟其間山川人物政治風俗以及文學禮教兵農錢穀諸端類多沿革損益因時制宜儻或時過境遷紀載闕略文獻無徵雖美弗傳後之人援古証今宣猷敷治將何由參觀借鏡見諸措施可見邑志爲行政須知猶國史爲資治寶鑑事有並重勿可忽也民國三年秋知事黃君大受以邑志歷經兵

燹多所殘缺將欲從事纂修乃遍諭士紳宿儒凡有私家撰述筆記均應彙抄送閱適得胡君燕賓黃君步青以舊有志稿及私人撰記呈覽用是得所藉手卽聘該紳等躬任厥役日事編纂繼又添聘黃君覲光陳君紹華李君運剛諸紳或司採訪或任襄纂所有文卷圖書野史稗說與夫諺語謠歌凡有關於掌故事實無不旁搜博引紀錄靡遺五閱月而脫稿成書凡十篇以輿地始以藝文終又區分條目六十有一洪纖畢具朗若列眉並經黃知事修飾潤色備臻完美洵爲是邦百有餘年之實錄足以繼往古而開來今也旣蒞事將付剞劂余承乏斯土諸

紳又以稿送閱披覽之餘覺猶未盡完備乃屬諸紳將遷隆土
崗一切沿革附入卷內以該崗隸屬上思版域未可摺諸邑志
以外使甌脫也甫匝月告厥成功又持稿丐余爲序不揣譾陋
遂於卷首略志顛末俾後之讀志者藉以洞悉始末考知源流
斯卽爲續志之本意也夫是爲序

崑

中華民國四年歲次乙卯仲秋月署上思縣知事張明善謹識

續修上思縣志序

甲寅秋承前 縣長黃公可軒詢及縣屬舊志青不敏敬以昔日趨庭受訓所識崖略而述其概焉謹按縣志自明嘉靖十三年知州陳世瞻創刊志本及清康熙二十三年知州戴夢熊續修乾隆四十九年知州董秉純再修迄今民國歷經變亂愈蕩失而無存前 廳尊張公岫軒欲議繼修而苦無遺本 黃公謂志爲政之關係丁此共和時代宜復修纂以備採入通志庶後之覽者不致慨然於文獻之無徵也遂委青述稿青乃廣搜博訪得鈔本於前恩貢生黃國瑞所遺繼而副榜胡公惠亭又

以其生平抱殘守缺鈔本送呈 黃公因得校對無訛 黃公並出其靖西縣志以爲倣式復購南甯府志互相參考青與胡公仍難擔任幸 公復延黃君瞻雲陳君子協李君毅伯一同協訂乙卯春 張公復初蒞任青等將志稿全帙呈 覽蒙以遷隆尚志諭屬附登卷內用是時代沿革風俗變遷人才興替以及建置學校食貨等目均有足徵非敢云經營修纂也亦各盡義務而已現越數月粗就完備謹叙數言以爲信今傳後云爾

中華民國四年歲次乙卯仲秋 縣屬前清增生黃步青謹序

續修上思縣志序

夫縣之有志其關係重要前數序已詳言之矣惟續修一節不能不有望於將來韓文公有云莫爲之前雖美弗彰莫爲之後雖盛弗傳此前後之相需尤重要也我上思之有志由來已久而只有抄本無印本民國三年歲在甲寅秋前任縣長黃君可軒提議重修欲付剞劂諸紳耆咸贊成之乃延余與胡君惠亭黃君雲衢陳君子協李君毅伯任厥役開幕伊始首先搜求抄本而篇頁殘缺字跡漫漶欲考其詳殆不可得況今百有餘年大半付之闕如加以先進凋零就質無地傳聞互異採記維艱

特以茲事體大斷不容草率從事用是廣爲諮訪徧加蒐羅撮而拾之彙而綴之凡閱五月編次始成然猶慮余與胡黃諸君年齒衰邁難免老筆頽唐見笑方家也幸天假之緣新知事

張公復初來宰是邦 公陝西名孝廉也隨即繕謄清本稟請點竄叨蒙 青睞大加修飾潤色已覺推陳出新化俚爲雅矣特是既有爲於前尤須有繼於後是役也非敢云爲之前也惟願後起英俊數十年後再續修之亦余與胡黃陳李四君所厚望歟

峇

中華民國四年歲次乙卯仲秋月

清歲貢生黃觀光謹序

纂修官紳銜名

纂修

署理上思縣知事清優增生黃大受
署上思縣知事清癸卯舉人張明善

纂輯

清增廣生黃步青

清選授太平府懷集縣訓導丁酉副貢生胡燕賓

參訂

清歲貢生黃觀光

清恩貢生陳紹華

清廩膳生李運剛

採訪

清附生梁壽松

清附生黃著勳

清附生陸肇安

清附生馮汝康

清附生黃澤均

清附生譚允諧

清 職 員 陸雲階

清 附 生 黃建岐

清 童 生 區至均

繪圖

清 附 生 黃鍾璠

分繕

清 附 生 黃恩銓

師 範 預 科 畢 業 生 胡樹蘅

高 等 小 學 畢 業 生 黃令禮

上 思 縣 志 卷 一 纂修官紳銜名 十 南寧達時印務局承刊

自 治 學 校 畢 業 生 江毓瑞

蠶 桑 學 校 畢 業 生 譚朝卿

前修銜名

編次

上 思 州 知 州 戴夢熊

纂輯

署 上 思 州 學 正 壬子舉 人 唐炅緒

廩 膳 生 韋編易

鄉 紳 江漢秋

鄉

參訂

紳

林中鉉

恩

生

陳日俞

甲

子

人

葉開運

副

貢

生

方佐宸

鄉

紳

黃文啟

鄉

紳

周之望

鄉

紳

曾西顯

探訪

上思縣志

卷一

纂修官紳銜名

十一

南寧達時印務局承刊

監

生

林蓋岱

監

生

梁士禹

監

生

梁樟

生

生

林蓋岳

生

員

蘇芝芳

生

員

趙雲龍

生

員

黃永膺

生

員

陳堯光

分繕

生 生 生 生 生 生 生 生

員	員	員	員	員	員	員	員
陳堯文	黃文楨	林 掀	凌允上	劉誦昇	林 揆	吳邦侯	趙連城

上思縣志總目

輿地志

沿革

氣候

山川

灘瀨

砦卡

食貨志

田賦

星野

圖經

溝洫

隘口

風俗

額辦

疆域

圖說

池井

塘鋪

戶口

上思縣志

卷一

總目

十三

南寧達時印務局承刊

丁徭

鹽法

積貯

方產

學校志

學宮

書院

義學

田租及作養
秋闈起送附

鄉約

鄉飲

武備志

兵制

鄉堡附

職官志

官制

遷隆峒附

文職

武職

名宦

封贈

選舉志

舉人

進士

武舉

武進士

貢生

軍功

人物志

鄉賢

儒林

孝友

忠義

方外

節烈

期頤

建置志

上思縣志

卷一 總目

十四

南寧達時印務局承刊

城池

廨署

壇廟祀典祀田

樓亭

橋梁

坊表

郵典

陵墓

紀事志

兵戈

襪祥

藝文志

序記

文說

詩詞

上思縣志凡例

一志例必部分類屬始見有條不紊是編自輿地以迄藝文列爲十大志復析爲條目六十有一以附麗之燦若列眉無煩搜索

一編輯是志猶有前清知州戴夢熊重修及董秉純繼修殘缺鈔本以及南寧府志參互考訂又續將近數十年事實分別採錄頗爲明備

一上思前土州也土官世襲無政事可紀亦不必紀也至明弘治十六年冬改流始紀其事

一方隅之啟闢統轄之維繫以及土酋之襲替關乎沿革治體者不可不書

一星野參諸通志及一統志訂正引徵疆域則通志及舊志稿所載道里遠近詳加考覈至氣候與郡域不甚相殊茲旣統於郡而論其大凡復分疏附度以別其小異

一山川類以其山之高大險要及名勝者略分方隅遠近以爲次序川流必有所滙合以成其大故詳其支委焉若溪澗陂池皆川之濫觴也而其中有可資灌溉利田疇者則又載入溝洫條下以重水利爲民生之本